

“Эрдэнэ Ресурс Девелопмент Корпорэйшн” Торонтогийн Хөрөнгийн бирж дээр зарласан хаалттай санхүүжилтийг амжилттай хаав

Канад улс, Нова Скошиа муж, Халифакс хот – 2018.06.08

Эрдэнэ Ресурс Девелопмент Корп. (TSX:ERD | MSE:ERDN) (цаашид “Эрдэнэ” эсвэл “Компани” гэх) нь 2018 оны 5 сарын 31-нд олон нийтэд мэдээлсэн хаалттай санхүүжилтийг амжилттай хаан, \$4.12 сая кан.долларын санхүүжилтийг босгосноо танилцуулахад таатай байна.

Хаалттай санхүүжилтийн хүрээнд Эрдэнэ нь 10,834,580 ширхэг хувьцааны нэгж тус бүрийг \$0.38 кан.доллараар үнэлэн, нийт \$4.12 сая кан.долларын санхүүжилтийг босголоо. Хувьцааны нэгж бүр нь Компанийн нэг Энгийн хувьцаа болон түүнд дагалдах нэг Варрант (“Варрант”)-аас бүрдэнэ. Энэхүү Варрант нь санхүүжилт хаагдсанаас хойш 30 сарын хугацаанд Компанийн Энгийн хувьцааг \$0.60 кан.доллараар худалдан авах эрхийг худалдан авагчид олгоно. Хаалттай санхүүжилттэй холбоотойгоор Компани нь үйлчилгээний төлбөрт \$182,400 кан.доллар, 480,000 ширхэг зуучлагчийн варрантыг олгосон ба эдгээр варрантууд нь санхүүжилт хаагдсанаас 30 сарын хугацаанд Компанийн Энгийн хувьцааг \$0.60 кан.доллараар худалдан авах замаар Компанийн энгийн хувьцаанд хөрвөгдөх боломжтой. Хаалттай санхүүжилтийн хүрээнд нэмж гаргасан үнэт цаасыг 4 сарын хугацаанд арилжаанд оруулахгүй царцаах нөхцөлтэй.

Хаалттай санхүүжилт нь Компанийн Энгийн хувьцааг Монгол улсад давхар бүртгүүлэн, арилжаалах (“Монгол улс дахь давхар бүртгэл”) үйл ажиллагаатай ижил хугацаанд хийгдэж байна. 2018 оны 5 сарын 31-нд олон нийтэд танилцуулсан мэдээллийн дагуу Эрдэнэ нь Монгол улсын Санхүүгийн зохицуулах хороо (“СЗХ”)-ны зөвшөөрлийг авч, Монголын Хөрөнгийн бирж (“МХБ”)-д Энгийн хувьцааг давхар бүртгүүлэн, арилжих боломжтой болсон. Монгол Улс дахь давхар бүртгэлийн захиалга 2018 оны 6 сарын 14-нд дуусаж, нийт 4,000,000 ширхэг Энгийн хувьцааг \$0.34 кан.доллараар үнэлэн \$1,360,000 кан.долларын хөрөнгө босгохоор төлөвлөж байна. Энэхүү давхар бүртгэлд БиДиСек ҮЦК ХК тэргүүлэх андеррайтераар ажиллан, Монгол улсын хууль эрхзүйн дагуу Компанийн Энгийн хувьцааг “firm commitment” нөхцөлөөр арилжаалах үүрэг хүлээсэн. Энэхүү үйлчилгээний хүрээнд Андеррайтер нь нийт босгосон хөрөнгийн 7%-тай тэнцэх шимтгэлийн орлогыг хүлээн авна. Монгол улс дахь давхар бүртгэл нь амжилттай хаагдсанаас 4 сарын хугацаанд үнэт цаасыг Канад улсад царцаах нөхцөлтэй.

Хаалттай санхүүжилт болон Монгол улс дахь давхар бүртгэлийн хүрээнд босгосон хөрөнгийг 2019 он хүртэлх Компанийн үйл ажиллагаа, Баян Хөндий, Алтан Нар төслүүд болон бүс нутгийн хайгуулын зардалд зарцуулахаар төлөвлөсөн.

Дээрх санхүүжилтүүд нь Торонтогийн Хөрөнгийн бирж болон Монголын Хөрөнгийн биржийн нөхцөл, шаардлагуудын дагуу зөвшөөрөл аван арилжаалагдана.

Компанийн тухай

Эрдэнэ Ресурс Девелопмент Корп. нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд өндөр агуулга бүхий газрын гадаргад ойр Баян Хөндий алтны төсөл, Баян Хөндий төслийн талбайгаас 16 км зайд орших өндөр агуулга бүхий газрын гадаргатай ойр алт-полиметаллын Алтан Нар төсөл, Баян Хөндий төслийн талбайтай залгаа орших зэс-алтны порфирын хайгуулын Улаан талбай, Баян Хөндий төслийн талбайгаас хойд зүгт 3.5 км-т орших өндөр агуулга бүхий алт-мөнгөний Алтан Сум төсөл, хөгжүүлэлтийн эхний шатанд явж буй зэс-мөнгөний порфирын Хөвийн Хар төсөл, өндөр агуулга бүхий зэс-алтны Номин Тал нээлт,

томоохон молибден-зэсийн порфирын Зуун Мод орд зэрэг төслүүдийн хүрээнд 4 хайгуулын, 1 ашиглалтын тусгай зөвшөөрөл эзэмшдэг. Үүнээс гадна, Монгол улсын баруун урд зүгт, Транс Алтайн бүсэд Канад улсын Тек Ресурс компанитай хамтарсан бүс нутгийн зэс-алтны хайгуулын үйл ажиллагааг эрхэлж байна. Компани нь Баян Хөндий, Алтан Нар төслүүдийн тусгай зөвшөөрлүүдийн хүрээнд 2%-ийн борлуулалтын цэвэр ашгийн төлбөр ("NSR")-ийг Сэндстормд төлөх үүрэгтэй бөгөөд төлбөрийг 1% хүртэл бууруулах боломжтой. Компанийн тухай дэлгэрэнгүй мэдээллийг Компанийн вебсайт www.erdene.com -оос авч, танилцах боломжтой. Хаалттай санхүүжилтийг амжилттай хааснаар Эрдэнэ нь 157,682,014 ширхэг Энгийн хувьцаа, хорогдуулах боломжит 179,141,320 Энгийн хувьцаатай болно.

Урьдчилсан таамаглал

Зарим мэдээллүүд нь Канад улсын Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер С. Акерли, Ерөнхийлөгч болон Гүйцэтгэх захирал
Кэн В.МакДоналд, Дэд ерөнхийлөгч болон Санхүү хариуцсан захирал

Утас: (902) 423-6419
Емайл: info@erdene.com
Вебсайт: www.erdene.com
Твиттер: <https://twitter.com/ErdeneRes>